

## KONKURS

### za dodjelu stipendija redovnim učenicima i studentima u školskoj/akademskoj 2013/14. godini iz sredstava koja obezbjeđuje Fond "Bošnjaci" Sarajevo

#### I

Na osnovu člana 17. Statuta Upravni odbor Fonda "Bošnjaci" Sarajevo je donio Odluku o dodjeli **108 stipendija** učenicima i studentima u školskoj/akademskoj 2013/14. godini, od čega:

**1. Dvadeset (20) stipendija za učenike srednjih škola (po prijedlogu škola u skladu sa kriterijima Fonda "Bošnjaci"):**

- a) Prva bošnjačka gimnazija u Sarajevu ..... 5 stipendija;
- b) Gazi Husrev-begova medresa u Sarajevu ..... 5 stipendija;
- c) Elči Ibrahim-pašina medresa u Travniku ..... 2 stipendije;
- d) Behram-begova medresa u Tuzli ..... 2 stipendije;
- e) Karađoz-begova medresa u Mostaru ..... 2 stipendije;
- f) Medresa "Osman ef. Redžović" u Visokom ..... 2 stipendije;
- g) Medresa "Džemaludin ef. Čaušević" u Cazinu ..... 2 stipendije.

**2. Osamdeset i osam (88) stipendija za studente na javnim visoko-školskim ustanovama:**

- a) **74 stipendije** redovnim studentima prvog i drugog ciklusa studija u skladu sa kriterijima i sistemom bodovanja;
- b) **5 stipendija** redovnim studentima Fakulteta Islamskih nauka u Sarajevu (po prijedlogu FIN-a u skladu sa kriterijima Fonda "Bošnjaci");
- c) **5 stipendija** studentima trećeg ciklusa studija (dosadašnji stipendisti Fonda "Bošnjaci" sa prosječnom ocjenom 10,00);
- d) **2 stipendije** učenicima generacije Prve bošnjačke gimnazije u Sarajevu u školskoj 2012/13. godini i
- e) **2 stipendije** učenicima generacije Gazi Husrev-begove medrese u Sarajevu u školskoj 2012/13. godini.

#### II

Stipendije se dodjeljuju za školsku/akademsku 2013/14. godinu od 01. septembra 2013. do 30. juna 2014. godine, odnosno 10 stipendija u mjesečnim iznosima od:

- a) **120,00 KM** za učenike srednjih škola;
- b) **150,00 KM** za studente prvog ciklusa studija;
- c) **170,00 KM** za studente prvog i drugog ciklusa studija sa prosječnom ocjenom 10,00 i
- d) **200,00 KM** za studente trećeg ciklusa studija sa prosječnom ocjenom 10,00.

#### III

**OPĆI KRITERIJI:**

- državljanin BiH;
- redovan učenik jedne od navedenih škola;
- redovan student na jednoj od **javnih** visoko-školskih ustanova u Bosni i Hercegovini;
- da nije stariji od 20 odnosno 27 godina.

#### IV

**POSEBNI KRITERIJI:**

- postignuti rezultati u učenju i vladanju;
- da učenik odnosno student prve godine studija ima prosjek ocjena najmanje **4,50** u završnom razredu srednje škole;
- da student prvog ciklusa studija ima prosjek ocjena najmanje **8,00** u prethodnoj akademskoj godini;
- iskazani posebni rezultati na kantonalmom, entitetskom, državnom ili međunarodnom takmičenju iz predmeta matematika, fizika, informatika i strani jezici za prethodnu školsku/akademsku godinu u organizaciji ili posredstvom nadležnog ministarstva obrazovanja;
- materijalno stanje porodice - socijalni status;
- da nije stipendista nekog drugog pravnog ili fizičkog lica niti da ostvaruje pravo na novčanu naknadu po drugom osnovu;
- iz jedne porodice u školskoj/akademskoj 2013/14. godini ne može biti više od jednog korisnika stipendije;
- bezuslovno pravo na stipendiju imaju redovni studenti **prvog i drugog ciklusa** studija sa prosječnom ocjenom **10,00** neovisno o statusu visoko-školske ustanove.

#### V

Za studente prve godine studija prosjek ocjena i drugo se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

#### VI

Komisija za bodovanje i utvrđivanje prijedloga kandidata za dodjelu stipendija će utvrditi broj bodova za svakog kandidata prema slijedećem:

- bodovi po osnovu postignutih rezultata u učenju i takmičenjima;
- bodovi po osnovu prosječnih primanja po članu domaćinstva;
- bodovi po osnovu socijalnog statusa kandidata i porodice;
- bodovi po osnovu dosadašnjeg korištenja stipendije i dr.

#### POTREBNA DOKUMENTACIJA:

##### a) Opća

- zahtjev za dodjelu stipendije (*preuzeti sa internet stranice [www.fondbosnjaci.co.ba](http://www.fondbosnjaci.co.ba) ili u sjedištu Fonda*);
- uvjerenje o redovnom upisu u školsku/akademsku 2013/14. godinu;
- ovjerena fotokopija indexa (*stranica sa ličnim podacima i fotografijom*);
- ovjerena fotokopija diplome i svjedočanstva završnog razreda srednje škole (*za studente prve godine studija*);
- uvjerenje o državljanstvu;
- kućna lista (*izdaje se i ovjerava u općini*);
- izjava podnosioca zahtjeva da nije stipendista nekog drugog pravnog ili fizičkog lica (*izjava se daje i ovjerava u općini*)

##### b) Dokumentacija koja se boduje

- uvjerenje o položenim ispitima iz prethodne akademske godine s izračunatim prosjekom ocjena na dvije decimale;
- za studente prve godine studija dokaz da je ponos ili učenik generacije;
- dokaz za osvojeno prvo, drugo ili treće mjesto na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici za prethodnu školsku/akademsku godinu u organizaciji ili posredstvom nadležnog ministarstva obrazovanja;
- dokazi o ukupnim mjesečnim prihodima/primanjima za punoljetne članove porodičnog domaćinstva po osnovu: radnog odnosa, penzije, samostalne djelatnosti, boračko-invalidske zaštite i drugih osnova (*za uposlene platna lista za posljednji mjesec, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva ispod šest godina starosti Izvod iz matične knjige rođenih*);
- dokaz da punoljetni članovi domaćinstva imaju ili nemaju samostalnu privrednu djelatnost (*izdaje ispostava Porezne uprave u općini, Služba za privredu, budžet i finansije ili općinska Služba za ekonomski razvoj i dr.*);
- dokazi za roditelje: šehidska porodica, bez jednog ili oba roditelja (*Izvod iz matične knjige umrlih*), dokaz o učešću u odbrambeno-oslobodilačkom ratu najmanje 24 mjeseca, dokaz o invaliditetu roditelja - preko 60% odnosno 80%;
- dokaz o ličnom invaliditetu kandidata - preko 60%;
- dokaz o redovnom školovanju učenika/studenata u porodici.

#### VII

Krajnji rok za dostavu zahtjeva je **23. oktobar 2013.** godine.

#### VIII

Rezultati Konkursa će biti objavljeni **krajem novembra 2013.** godine na internet stranici Fonda "Bošnjaci" Sarajevo [www.fondbosnjaci.co.ba](http://www.fondbosnjaci.co.ba) sa pravom prigovora/žalbe Upravnom odboru Fonda u roku od 7 dana od dana objave rezultata.

#### IX


Stipendije za septembar, oktobar, novembar i decembar ove godine će biti uplaćene odmah nakon potpisivanja Ugovora o stipendiranju.

#### NAPOMENE:

1. Pravo učešća na Konkursu imaju redovni studenti **prvog ciklusa** studija na **javnim** visoko-školskim ustanovama (*univerziteti, fakulteti i akademije*) u Bosni i Hercegovini i redovni studenti **drugog ciklusa** studija sa prosječnom ocjenom **10,00**;
2. Odabir studenata **trećeg ciklusa** studija, iz reda dosadašnjih stipendista Fonda "Bošnjaci" sa prosječnom ocjenom **10,00**, izvršit će se u saradnji sa dosadašnjim stipendistima po posebno utvrđenim kriterijima;
3. Dosadašnjim stipendistima Fonda "Bošnjaci" **sa ostvarenom prosječnom ocjenom 10,00 u prethodnoj godini studija** pripada priznanje i novčana nagrada u iznosu od po **150,00 KM**;
4. Najuspješnijim stipendistima Fonda "Bošnjaci" na prvom i drugom ciklusu studija Univerziteta u Bosni i Hercegovini u akademskoj 2012/13. godini pripada priznanje i novčana nagrada u iznosu od po **300,00 KM**;
5. Uz **zahtjev za dodjelu stipendije (Obrazac: ZFB-1)** dostaviti **originalna dokumenta** ili **ovjerene** fotokopije;
6. Sastavni dio ovog Konkursa je **sistem bodovanja kandidata (Obrazac: SFBF-1)** objavljen na internet stranici [www.fondbosnjaci.co.ba](http://www.fondbosnjaci.co.ba) na osnovu kojeg je kandidat **obavezan sam sebe izbodovati**;
7. Neblagovremeni i nepotpuni zahtjevi **neće se uzimati u razmatranje**.

Zahtjev za dodjelu stipendije sa potrebnom dokumentacijom dostaviti putem pošte ili lično na adresu:

**Fond "Bošnjaci" Sarajevo, Ul. Džemala Bijedića br. 17, 71000 Sarajevo.**



**DIREKTOR**

*Šahin Kerla, prof.*